

增補百病辨證錄

卷十

種嗣門	惱怒門	中毒門	脚氣門	火丹門	脫肛門	鶴膝門
九則	二則	十一則	一則	二則	二則	二則
	疔啞門	腸鳴門	中邪門	離魂門	強陽不倒門	癘風門
	三則	三則	六則	三則	二則	二則
	瘟疫門	自笑門	中妖門	疰夏門	發斑門	遺尿門
	一則	附自笑三則	六則	二則	二則	三則

辨證錄卷之十

山陰陳士鐸故之甫號遠公又號朱華子著述

會稽陶式玉尚白甫號存齋又號

參訂

鶴膝門

人有足脛漸細足膝漸大骨中痠疼身漸瘦弱人以為鶴膝之風誰知水濕之入骨乎夫骨最堅硬濕邪似難深入何竟入於膝乎此因立而行房所成也凡人行房必勞其筋骨至於精泄之後則髓必空虛髓空則骨空邪即乘其虛空而直入矣若膝則筋骨聯接之處骨靜而膝動動能變而靜不能變也不變者形消能變者形大但其病雖成於腎精之虛而治病斷不可單治其腎因所犯者濕耳濕乃陰邪陰邪必須以陽氣祛之腎之精陰水也補精則精旺陰與陰合陰無爭戰之機不戰而邪何能去故不當補精而當補氣方用蒸膝湯生黃芪八兩金釵石斛二兩薏仁二兩肉桂三錢水煎二碗先服一碗即擁被而臥覺身中有汗意再服第二碗必兩足如火之熱切戒不可坐起任其出汗至汗出到湧泉之下始可緩緩去被否則萬萬不可去也一劑病去大半再劑病全愈此方補氣未免太峻然氣不旺不能週遍於一身雖用利濕健膝之藥終不能透入於邪所犯之處而祛出之也第大補其氣而不加肉桂之辛熱則寒濕裹注於膝中亦不能斬關直入於骨髓而大發其汗也至於絕不治風者以此病原無風也若作風治愈耗其氣安得取效哉

此症用加味芪

桂湯亦妙

此方亦可

水濕風濕之辨了然共著矣

防風能

入骨追

風尤與此症相

合

用補托

法以發

汗邪既

外去而

正亦不傷也

黃芪三兩肉桂三錢破故紙二錢牛膝三錢水煎服服必有大汗如雨二服愈

一鶴膝之症有二一本於水濕之入骨一本於風濕之入骨也前條乃言水濕入骨未言風濕入骨之症大約水濕之病骨重難移風濕之症骨輕可走至於痠痛則一也雖然痠痛亦有微別水濕之痛在一處而不遷風濕之痛移來移去而無定治法不可徒治風濕也用散膝湯治之黃芪五兩防風三錢肉桂五錢茯苓一兩水煎服服後亦擁被而卧聽其出汗不必驚惶汗出愈多去病愈速夫黃芪原畏防風得防風而功更大吾多用黃芪正恐人之難受加入防風能於補中以行其氣得肉桂之辛散引入陽氣直達於至陰之中又得茯苓共入膀胱利水濕之邪內外兼攻內既利水而外又出汗何風濕之不解哉惟是大汗淋漓人恐有亡陽之懼誰知用散藥以出汗若為可慮今用黃芪補氣以出汗乃發邪汗而非損正汗也邪汗能亡陽正汗反能益陽耳所以二劑而收全功也

此症用薤朮防

桑湯亦效

防風三錢桑葉二兩陳皮一錢破故紙二錢薤朮一兩白朮一兩水煎服亦必出大汗而愈只消一劑也

癰風門

人有頭面身體先見紅斑後漸漸皮破流水成瘡以致鬚眉盡落遍身腐爛臭穢不堪人以為大麻風也誰知是火毒結成之病乎大麻風之病南粵甚多以其地長蛇蟲熱毒之氣裏住於皮膚之間濕蒸之氣又藏遏於肌骨之內故內外交迫蘊結不能遽宣反致由斑而破由破而腐也此條

最惡之病不特南粵多生此病也蓋毒氣何地茂有濕熱乃天地所成正不可分南北也治法必以解毒為先然而近人元氣虛者甚眾徒瀉其毒未必不先損其正惟是補正又恐引邪入內要當於補中散邪為妙方用散蘆湯蒼朮三錢熟地一兩玄參一兩蒼耳子三錢車前子二錢金銀花二兩薏仁五錢水煎服連服十劑可半愈也再服十劑必全愈此方補腎健脾又有散風去濕化毒之品則攻補兼施正旺而邪退也倘純用寒涼或全用風藥鮮有奏功者矣

此症用黃金

湯亦效

大黃五錢金銀花半斤水煎汁三碗分三次服一日服完必然大瀉惡糞後單用金銀花三兩連服十日全愈

人有生大麻風者不必盡在兩粵之中往往居於兩粵之外而亦生者人以為火毒之入身也誰知感酒濕之毒而成之者乎夫酒氣薰蒸最能害人或卧於酒槽之上或坐於酒缸之邊皆能成病大約多得之行房之後蓋行房泄精則毛竅盡開酒氣易中其病與大麻風無異但兩粵之病必相傳染於家人父子之間獨感酒毒而成者止在本人而他人無恙也治法雖瀉火毒仍須兼化酒毒為妙方用解癘神丹茯苓三錢白朮五錢薏仁五錢黃連一錢玄參一兩金銀花三兩柞木枝三錢水煎服連用十劑未爛者可愈已爛者再服二十劑可愈也此方健脾去濕化毒解酒正氣無傷邪氣易退倘認癘風純是火毒單用祛毒瀉火之味置酒濕於不問非善治之法也然酒濕之毒何以別之聞酒香而生憎飲美酒而添疼此乃感酒毒而成者也倘若聞酒香而流涎飲美醞而作癢者非感酒毒乃感火毒也

辨

證

錄

卷十

癘風門

二

此癰成於酒毒亦可用黃金湯加
柞木枝五錢照前服之得瀉而愈

遺尿門

人有夜臥遺尿者其人畏寒喜熱面黃體怯大便溏泄小水必勤人以為小腸之虛誰知腎氣之虛乎夫腎與膀胱為表裡膀胱之開闔乃腎主之也蓋膀胱奉令於腎腎寒則膀胱自不尊腎之令故腎不開而膀胱亦不開矣治法約腎之水而水寒不若溫腎之水而水縮也方用溫泉飲白朮一兩巴戟天一兩益智仁三錢肉桂一錢水煎服一劑即止遺連服四劑不再遺矣此方脾腎兩補之法肉桂溫命門之寒益智斷膀胱之漏且白朮通腰膈之氣自然病與約宜蓋遺尿之病雖成於腎寒亦由腰膈之氣不通則水不走於小腸而竟走於膀胱也通其腰膈之氣則水迂迴其途自走小腸小腸與心為表裡而心氣能攝之而不遽遺也且白朮又上能補心之氣心氣虛則水瀉心氣旺而水又難瀉矣心腎交而泉溫亦心腎交而泉縮矣

此症可用芎朮

益桂湯治之

山茱萸五錢白朮一兩肉桂
一錢益智仁一錢水煎服

人有年老遺尿者不必夜臥而遺也雖日間不睡而自遺較前症更重此命門寒極不能制水也夫老人孤陽何至寒極而自遺乎蓋人有偏陰偏陽之分陽旺則有陰虛火動之憂陽衰則有陰冷水沉之患少年時過泄其精水去而火又何存水火必兩相制者也火無水制則火上炎水無火制則水下泄老人寒極而遺正坐水中之無火耳惟是補老人之火必須於水中補之以老人火

衰而水亦不能甚旺也方用八味地黃湯熟地一兩山茱萸一兩山藥五錢茯苓二錢澤瀉一錢丹皮一錢附子一錢肉桂一錢水煎服連服二劑溺即止矣服十日全愈約照此方分兩修合丸散每日服一兩永不再遺八味地黃湯正水中補火之聖藥水中火旺則腎中陽氣自能通於小腸之內下達於膀胱膀胱得腎之氣能開能閤一奉令於腎何敢私自開闔聽水之自出乎氣化能出即氣化能開也惟是八味湯中茯苓澤瀉過於利水老人少似非宜丹皮清骨中之熱遺尿之病助熱而不可助寒故皆略減其分量以制桂附之橫斟酌得宜愈見八味湯之妙然此方但可加減而不可去留加減則奏功去留則寡效也

此症亦可用助
老湯治之

熟地一兩山茱萸一兩益智一錢肉桂二錢遠志
一錢炒棗仁五錢人參三錢北五味二錢水煎服

人有憎熱喜寒面紅耳熱大便燥結小便艱澀作痛夜臥反至遺尿人以為膀胱之熱也誰知是心火之炎亢乎夫心與小腸為表裏心熱而小腸亦熱然小腸主下行者也因心火太盛小腸之水不敢下行反上走而顧心及至夜臥則心氣趨於腎小腸之水不能到腎只可到膀胱以膀胱與腎為表裡到膀胱即是到腎矣然而膀胱見小腸之水原欲趨腎意不相合且其火又盛自能化氣而外越聽其自行全無約束故遺尿而勿顧也治法將瀉膀胱而膀胱無邪將補膀胱而膀胱又未損正然則奈何瀉心火之有餘而遺尿自止矣方用清心蓮子飲加減治之茯苓三錢麥冬三錢竹葉三十片蓮子心三錢黃連二錢白芍五錢陳皮五分丹皮二錢天門冬三錢紫苑一錢

玄參三錢水煎服一劑少利再劑大利三劑全愈此方專清心火不去止小腸之水蓋此等遺尿愈止而愈遺也

此症亦可用加味
逍遙散治之

茯苓白芍當歸車前子各五錢山藥丹皮各三錢柴胡
黃連各一錢人參五分陳皮三分甘草五分水煎服

脫肛門

人有脫肛者一至大便則直腸脫下而不肯收久則澀痛人以為腸虛下陷也誰知陽氣之衰不能升提乎夫脫肛之症半成於脾泄泄多則亡陰陰亡必至下墜而氣亦下陷腸中濕熱之污穢反不能速去為快於是用力虛勞過於用力直腸隨努而下矣迨至濕熱之邪已盡脫肛之病已成必須升提陽氣佐之去濕去熱之劑然而提氣非用補氣之藥則氣不易升補氣不用潤腸之味則肛無難脫要在兼用之為妙也方用提腸湯人參三錢黃芪五錢當歸三錢白芍一兩升麻一錢槐米一錢薏仁五錢水煎服連服四劑肛腸漸升而入再服四劑不再脫此方補氣以升提則氣舉於上焦一身之滯氣自散潤腸則腸滑濕熱自行矣

此症亦可用加
味補血湯

黃芪當歸各五錢升麻一錢北
五味子十粒連服十劑全愈

人有不必大便而脫肛者疼痛非常人以為氣虛下陷也誰知大腸之火奔迫而出之乎夫大腸屬金原屬於肺肺與大腸為表裡休戚相關大腸不勝火氣之炎燒不得已欲求救於肺而肺居膈

上遠不可救乃下走肛門聊為避火之計肛門既屬於肺大腸畏火豈肛門獨不畏火耶况魄門與大腸既有同氣之好禍難相救寧忍坐棄故以己之地方甘心讓客而已身越境以避其氣此肛門直腸所以脫出於重門之外也疼痛者火焚被創無水以養故乾燥而益疼也此等之病用升提之法全然不效反增其苦楚蓋升提之藥多是陽分之品陽旺則陰虛陰虛則火益勝安有取效之日哉治法宜急瀉其腸中之火火息而金自出矣然而大腸之火不生於大腸也胃火盛而大腸之火亦盛腎水乾而大腸之水亦乾單治大腸之火而不瀉胃中之火單治大腸之水而不益腎中之水則大腸之水不生而大腸之火亦不息何以使大腸之氣返於腹中肛門之腸歸於腸內哉方用歸腸湯玄參一兩石膏三錢熟地一兩丹皮三錢當歸三錢地榆三錢槐花三錢荆芥炒黑三錢水煎服一劑痛安再劑陽升三劑全愈此方胃腎同治兼去清大腸之火水源不斷則火氣自消有不急返者乎客去而主歸此必然之理也

此症用榆地玄
歸湯亦效

地榆三錢當歸一兩玄參一兩生
地一兩水煎服連用十劑全愈

強陽不倒門

人有終日舉陽絕不肯倒然一與女合又立時泄精精泄之後隨又興起人以為命門之火誰知陰衰之極乎夫陰陽原兩相平者也無陽則陰脫而精泄無陰則陽孤而勢舉二者皆能殺人彼此相較陰脫之症驟而死陽孤之病緩而死似乎驟而死者難治緩而死者易醫而孰知陰脫之症

其陽不絕補陽可以攝陰陽孤之病其陰已涸補陰難以制陽蓋陽生陰甚速陰接陽甚遲故脫陰留陽者往往可援孤陽無陰者每每不救耳雖然陰根於陽補陽而陰可生安在陽不根陰而補陰即不能生陽乎使強陽不倒之人尚有一線之陰在則陰必可續而可生陰既生矣則陽不為孤陽陰日旺而陽日平誰謂非死裡求生之妙法乎方用平陽湯玄參三兩山茱萸一兩沙參二兩地骨皮一兩丹皮一兩水煎服連服二劑而陽不甚舉矣又服四劑陽又少衰矣再服四劑陽平如故此方純是補陰之藥更能涼其骨中之髓又恐過於純陰與陽有格格不入之意復加入山茱萸陰中有陽也使其引陰入陽以制其太剛之氣真善於制剛也倘見其火旺之極妄用黃柏知母以寒涼折之毋論水不可以滅火反激動其龍雷之怒陰不能入於陽之中陽反離夫陰之外有不至於死亡而不可得也

此症亦可用濟陽湯治之
熟地二兩玄參麥冬沙參各一兩久服自安

人有終日操心勤於誦讀作文之時刻苦搜索及至入房又復鼓勇酣戰遂至陽舉不倒胸中煩躁口中作渴兩目紅腫飲之以水不解人以為陽旺之極誰知心腎二火之齊動乎夫心腎無一刻不交心交於腎則腎火無飛騰之禍腎交於心則心火無亢烈之憂若日勞其心則心不交於腎夜勞其腎則腎亦不交於心心腎不交則水火無既濟之好覺一身上下無非火氣於是心君失權腎水無力而命門之火與心包之火反相合而不相離骨中髓動髓海煎熱肝中龍雷之火亦起而相應三焦之火亦且附和以助其炎上之勢火盡上升陽無所寄勢不得不仍歸於下下又

難藏因走於宗筋陰器之間陽乃作強而不可倒矣此等之病至危之症也非迅解二火陽何能
倒然解火又禁用寒涼以直折其火蓋二火乃虛火而非實火惟有引火歸經少用微寒之品以
退其浮游之火則火自歸源而鮮決裂之虞方用引火兩安湯玄參一兩麥冬二兩丹皮五錢沙
參一兩黃連一錢肉桂一錢水煎服一劑而火少衰二劑而陽乃倒矣連服四劑而火乃定減黃
連肉桂各用三分再服數劑兩火不再動矣此方補陰以退陽補陰之中又無膩重之味得黃連
肉桂同用以交心腎心腎合而水氣生水氣生而火自解况玄參麥冬沙參又是退火之味仍是
補水之品所以能退其浮遊之火解其亢陽之禍也

此症亦可用加減濟心丹

人參炒棗仁各五錢熟地玄參麥冬丹皮各一兩蓮子心茯苓各三錢水煎服四劑即安

發斑門

人有身不發熱胸脇之間發出紅斑不啻如絳雲一片人以為心火熱極誰知胃火之鬱極乎夫胃
火本宜炎上何鬱滯不宣蓋風寒外束之也火欲外出遇寒遏抑之則火不得出而內藏然而火
蘊結於胃中終不能藏之也於是外現於皮膚發紅雲之斑矣此時以涼藥逆投之則拂其熱之
性而變為狂以熱藥治之則助其火之勢而增其橫必須以風藥和解之為得又不可竟用風藥
也大約火旺者水必衰不補其水僅散其火則胃中燥熱何以解氣不得風而愈揚乎誠於水中
散其火則火得水而有制水佐風而息矣斑且消滅於焉有斷不至發汗亡陽以成不可救之症
也方用消紅湯乾葛二錢玄參一兩當歸一兩芍藥五錢升麻一錢生地一兩麥冬一兩甘草一

錢天花粉二錢水煎服此方補陰以制火涼血以化斑但用散而不用寒但用和而不用戰自然
鬱宣而熱滅水旺燥除何斑之不盡消哉

此症用散雲
湯亦神

葛根三錢青蒿五錢生地一兩玄參一兩升
麻一錢貝母三錢麥冬五錢水煎服二劑愈

人有滿身發斑非大塊之紅赤不過細小之斑密密排列斑上皮膚時而作癢時而作痛人以為肺
火之盛也誰知肺火之鬱乎蓋肺主皮毛肺氣行而皮毛開肺氣鬱而皮毛閉其所以鬱者以心
火刑金外遇寒風之吹肺火不得達於皮毛而斑乃現矣然則肺之生斑仍是內熱之故治法仍
宜瀉火然火鬱於皮毛不用解表而驟用瀉火之品反能遏抑火氣不向外達反致內攻勢必至
表症變為裡症尤可虞也故必須表散之中佐以消火則散斑自速也方用散斑飲玄參五錢升
麻二錢白芷一錢荆芥二錢甘草一錢麥冬一錢生地一兩黃連一錢天花粉三錢水煎服一劑
斑消二劑全消此方散多於清者以清火則火愈鬱而氣不宣散風則風盡解而火亦息也

此症亦可用蘇

葉解斑湯

蘇葉三錢生地三錢麥冬五錢甘草一錢桔梗二
錢升麻一錢貝母二錢當歸五錢水煎服二劑愈

火丹門

人有身熱之後其身不涼遍身俱紅紫之色名曰火丹人以為熱在胸膈誰知熱在皮膚乎夫火丹
似與發斑相同何分二名不知二病熱雖相同而症實各異蓋發斑者紅白相間也火丹者一身

盡紅也發斑熱鬱於內而發於外火丹熱鬱於外而趨於內發於外者有日散之機趨於內者有日深之勢故發斑之症輕火丹之病重然不知消火之法輕者未必不變為重苟知散鬱之方重者亦變為輕也故治火丹之病補其水之不足散其火之有餘使火外出不在內攻可也方用消丹飲玄參三兩升麻二錢麥冬一兩桔梗二錢生甘草一錢水煎服一劑丹化不必二劑此方用玄參解其浮遊之火以麥冬潤其肺金之氣用桔梗升麻表散於毛竅之間用甘草調和於臟腑經絡之內引火外行所以奏功神速也

此症亦可用防

桔湯治之

防風一錢麥冬玄參各一兩桔梗三錢甘草一錢
天花粉二錢黃芩二錢水煎服一劑輕二劑愈

人有赤白遊風往來不定小兒最多此症似乎發斑但發斑有一定之根赤白遊風無一定之色人以為三焦之實火誰知是胃火之鬱熱乎夫胃火不鬱必有發汗亡陽之禍正惟火鬱不宜則熱不在外而在內矣然而火盛自必由內達外而外又不可遽達於是或發於此而移於彼或現乎白而改乎紅竟無有定象耳論其治法自宜以清熱為主而清熱必須涼血然血寒則凝滯不行雖血能止火而終難散火必須行血以舒熱耳方用清火消丹湯生地一兩丹皮三錢甘草一錢玄參三錢牛膝二錢赤芍三錢荆芥二錢天花粉一錢水煎服連服二劑而丹消矣再服二劑全愈此方涼血而兼行血清火而並散火既無大寒之慮自無其熱之慮鬱易開而火易達矣

此症用荆芥祛風湯治之
荆芥二錢甘草一錢半夏五分麥冬五錢當歸三錢白芍三錢水煎服

辨

證錄

卷十

發斑門

六

人有滿身發斑色昏黃白斑上有水流出時而作疹久之皮爛人以為心肝二經之火誰知脾肺之濕熱乎蓋火丹原有二症一赤火丹一白火丹也赤丹皮乾白丹皮濕赤丹屬心肝之火白丹屬脾肺之濕然而熱鬱於皮毛則赤白乾濕一也夫濕從下受其病宜在下身何上身亦成黃白之丹乎蓋脾為肺之母脾病子願代母以受其苦將濕氣分散於皮毛火熱亦隨之而外越然而脾病肺尚不至十分之切膚所以濕熱之邪畏肺氣之健不敢逕從皮毛而泄反留纏於皮毛之中而色乃外現黃白耳治法利其水濕之氣解其火熱之炎仍從膀胱下走皮毛正不必外逐也蓋濕熱之盛原在脾不在肺母逐其仇子有不隨之而共逐者乎所以祛其脾之濕熱而肺中之濕熱不逐自散方用除濕逐丹湯防風三分蒼朮三錢赤茯苓五錢陳皮五分厚朴一錢猪苓一錢山梔子三錢甘草三分白朮三錢薄桂三分水煎服連飲數劑丹退而愈此方利水多於散火者以濕重難消水消則火亦易消也

此症用桑白分

解散亦效

薏仁二兩澤瀉三錢升麻一錢天花粉
三錢桑白皮三錢神麴三錢水煎服

離魂門

人有心腎兩傷一旦覺自己之身分而為兩他人未見而已獨見之人以為離魂之症也誰知心腎之不交乎人身之心腎無刻不交心不交於腎則夢不安腎不交於心則神發躁然此猶心病而腎不病腎病而心不病也故夢雖不安魂猶懸於心之中神雖發躁魂尚依於腎之內魂欲離而

不能離也惟心腎之兩虧則腎之精不能交於心而心之液不能交於腎而魂乃離矣雖然魂藏於肝未聞藏於心腎也心腎虧而肝氣未傷則肝能藏魂何便至於離哉不知肝之母腎也肝之子心也肝居於心腎之間腎虧則無水以生肝而肝傷矣心虧則無液以耗肝而肝又傷矣肝傷則血燥血燥則魂不能藏往來於心腎母不能生子不能養魂安得不離哉治法似宜大補其肝血以引其魂之入肝矣然而魂雖入肝心腎未補仍耗損肝木之氣魂即暫歸而復離必須兼補心腎之為得也方用攝魂湯生棗仁五錢麥冬一兩熟地一兩白芍一兩當歸五錢山茱萸五錢人參一兩茯苓神五錢遠志二錢巴戟天五錢柏子仁三錢白芥子二錢水煎服一劑而魂合為一矣連服數劑不再離也此方心肝腎兼治腎水潤而肝不燥肝血旺而心不枯心欲交於腎而肝通其氣腎欲交於心而肝導其津自然魂定而神安神安而目一不至有歧視之分也

此症用合魂丹亦可治

人參五錢茯苓神三錢炒棗仁一兩熟地二兩蓮子心五錢巴戟天一兩水煎服一劑而魂合矣

人有終日思想情人杳不可見以致夢魂交接醒來又遠隔天涯日日相思宵宵成夢忽忽如失遂覺身分為兩能知戶外之事人以為離魂之症誰知心肝之氣鬱乎夫肝本藏魂氣鬱則肝氣不宣宜乎魂之不出矣不知肝鬱必至剋脾思想又必傷脾脾土一傷即不能輸精於心肝之內而心氣必燥肝又因鬱而血乾無津以潤心則心更加燥心燥則肝氣不安日欲出氣以顧心而情人不見心中拂抑愈動其鬱鬱極火夫而魂不願藏於肝中乃隨火外出之為快魂既外出而軀

壳未壞故能回顧其身視身為二也治法必先舒肝氣之鬱滋心氣之燥兼培其脾土使土氣得養生津即能歸魂矣方用舒魂丹人參一兩白芍一兩當歸五錢白朮五錢茯神五錢麥冬五錢丹砂末一錢菖蒲一錢柴胡一錢鬱金一錢天花粉一錢甘草一錢水煎服一劑而魂定二劑而身合為一矣此方心脾肝同治之法也而舒肝為甚病成於鬱解鬱而神魂自定然而舒魂丹即舒肝之丹也

此症用歸魂

飲亦效

白芍二兩人參五錢貝母香附各三錢鬱金一錢水煎服二劑而魂歸矣

人有狂症初起身在牀上能知戶外之人口中罵詈嫌家人不出戶迎入人亦為離魂之病誰知胃火犯心乎夫心火本生胃土有母子之誼何故犯心使心神之外出不知胃土乃心之嬌子也胃弱則心火束湊於胃胃強則心火反避夫胃安蓋心火寧靜胃火沸騰當胃火焚燒之時胃且自負不顧安顧其父母乎其犯上作亂弑逆之事往往不免故心君姑息寧下堂而走以避胃火之焚燒所以心神外出成離魂之危病也夫魂既離身即隨出隨死何尚有一日之尚延因心神雖出而心氣猶未絕耳治法舍人參竹葉石膏湯別無二法然必須大劑煎之恐其酣飲庶幾可救否則尚在生死之間也方中最宜多者石膏也其次必多用人參大約石膏宜用二兩人參須用一兩兼而施之實奪魂之妙藥也倘因循不用或用此方畏首畏尾少用石膏人參均無濟於返魂也或謂多用石膏少用人參未為不可嗟乎定狂原止藉石膏之多返魂非人參不可蓋魂已

外越一時回宮必搖搖靡定若不多用人參何以安神使之不再離耶此人參之所以必當多用耳

此症單用玄參三兩水煎服二劑而魂不離也

疰夏門

人有時值夏令便覺身體昏倦四肢無力朝朝思睡全無精神脚後腿軟人以為疰夏之病誰知腎水之虧之乎夫夏令火炎全藉腎水之潤則五臟六腑得以灌注不至有乾燥之患然而夏日正當水衰人之腎水未全旺者也凡人至夏雖多困倦但未若疰夏之甚疰夏者腎水虧乏乃冬不藏精之故也精不藏於冬火難盛於夏故困乏矣雖然夏令火勝多傷脾胃人之困乏自是脾胃之氣衰弱故也與腎水似乎無涉詎知腎中無水不能分潤於脾胃則脾胃水乾何能制外火之旺乎火無水制脾胃受火之刑則脾胃無津僅可自顧勢難轉輸於手足四肢無力精神倦怠亦其宜也治法必須健脾開胃為主脾健胃開則所用飲食自然變化精微以生腎水又得補腎之藥以蒸動脾胃之氣則水土不相尅而相生何慮疰夏之病哉方用勝夏丹白朮二錢茯苓二錢陳皮三分人參五分北五味子三分熟地五錢山茱萸二錢神麴三分白芥子一錢山藥三錢芡實三錢炒棗仁一錢水煎服每日一劑服十劑精神煥發矣再服十劑身體健旺此方視之若平平無奇而輕重多寡配合入妙既無陽勝之虞又無陰衰之弊醒脾胃之氣生心腎之津可以久餌以取效亦可近服以圖功也

此症用鼓神湯亦效

熟地麥冬各五錢白芍地骨皮沙參各二錢甘草貝母各三分人參神曲各五分白朮三錢丹皮一錢水煎服日服一劑服一月精神自旺不因倦矣

人有三伏之時悠悠忽懶用飲饜氣力全無少貪美味腹中悶脹少遇風涼大便作瀉人以為症夏之病誰知脾氣之困乏乎夫人之先天乃腎後天乃脾也脾氣健則所用飲食自化精微足以供腎水之不足苟或春夏之際先傷脾土則土衰難以化物所用飲食勢必停住於胃中腎水無脾土之資生則腎氣更涸何能分布於筋骨此精神氣力之倦乏也似乎治法宜急補其脾矣然脾土非腎火不生腎火非腎水不長故補脾者必須補腎中之水火也方用八味丸熟地八兩山茱萸四兩山藥四兩澤瀉丹皮茯苓各三兩附子一枚甘草水製之內桂二兩蜜為丸每日晚服八錢服半月健飲服一月飽悶除矣服兩月疰夏之病全愈夫肉桂補火而六味丸則純補水者也補水之味多於補火則火得水之益而不燥土得火之利而不濕矣此仍補先天以益後天之法也

此症用健脾

飲亦效

白朮歲餘各五錢茯苓山茱萸白芍各三錢人參二錢甘草五分當歸十錢麥冬各三錢北五味三分肉桂一錢水煎服連服一月精神自健

腳氣門

人兩跗忽然紅腫因而發熱兩脛俱浮作疼作痛人以為傷寒之症誰知是腳氣之症乎夫傷寒症中原有腳氣之門然而腳氣非傷寒也腳氣感染濕熱先從下受傷寒感冒風寒先從上受夫傷寒乃陽症而腳氣乃陰病也夫濕熱下感宜從下治若用風藥散之濕邪反致上犯以風藥多陽